

柳選四家醫案

評選環溪草堂醫案卷下

江陰柳氏醫學叢書之七

無錫王泰林旭高著

江陰柳寶詒穀孫選評

及門諸子 參校

腫脹

○病起欬嗽。欬止而反氣升。入暮尤甚。面跗龐然浮腫。腹雖未滿。而按之不軟。此屬腎風。蓋風邪乘虛而入於腎。腎氣上逆。故入暮而氣升為甚。用五苓通膀胱。導出腎中之邪。加細辛以微少陰之寒風。晚上再進都氣丸。以安其腎。庶幾久蘊之邪得解。而腎藏無傷。切弗輕視。

此病須防腹滿之虞。

五苓散 加大腹皮 陳皮 細辛 肉桂

另晚服都氣丸鹽湯送下。

詒按腎風之名出於素問風論其所列證狀與此不甚符合但理可相通此案所立治法亦頗有精意蓋邪入於藏必借所合之府爲出路以五苓加味治其膀胱以導出腎邪隨用都氣以培腎藏之本邪正虛實之間面面周到率爾操觚者固不能辦此也。

○風溼相搏一身悉腫咽痛發熱欬而脈浮擬越脾法。

麻黃 石膏 赤苓 甘草 杏仁 大腹皮

通草

詒按欬而咽痛肺有鬱熱故用越脾

○風水者在表之風邪與在裏之水溼合而為病也其證頭面肢體浮腫必兼欬嗽故為風水更兼食積其腹必滿三焦不利法當開上疏中達下若不避風恐其增重

羌活 防風 枳殼 萊菔子 杏仁 橘紅

川朴 茯苓 澤瀉 大腹皮 桑皮 葱

薑皮

詒按證屬外風與內溼相合故用藥從表裏兩解之法

○內有溼熱外着風邪風與水搏一身悉腫此屬風水當發汗

羌活 香薷 陳皮 防風 赤苓 焦六麴

通草 生薑 葱白

○水腫自下而起腿足陰囊大腹胸膈咽喉無處不受其災水勢泛濫浩浩莫禦矣今先從上瀉下蓋肺主一身之氣又曰水出高源古人開鬼門潔淨府雖曰從太陽着手其實亦不離乎肺也

葶藶子 杏仁 川朴 陳皮 茯苓

椒目 炒出汗 薑 棗

另控涎丹每服 七分 薑湯送下

論按病象已劇。川藥自須從猛。但控涎丹藥力猛。銳不宜過於多服。須酌之。

○病後脾虛氣滯。浮腫食少。大便溏泄。法當溫運脾陽。

黨參 茯苓 澤瀉 木香 冬朮 炮薑

苡仁 神麴 砂仁 穀芽

論按病後浮腫屬虛。故兼培補。○以上諸案均屬浮腫之病。與鼓脹單腹脹諸證之關乎藏氣者。輕

重淺深迥乎不同。臨證者當細意分別，勿混視也。其有脘腹堅硬結塊者，須與積聚癥癖門各案參看。

○淫熱內阻腸胃之間，橫連膜原。膜原者，藏府之外，肌肉之內，膈膜之所舍。三焦決瀆之道路，邪留不去，是爲腫脹。脹屬氣，腫屬水，是必理氣而疏決瀆，以杜腫脹之萌。

黑白丑各五錢 萊菔子兩 砂仁兩 用陳葫蘆一枚，將上

三味納入，再入陳酒一大杯，隔湯燉一炷香，取葫蘆中藥炒研爲末，再以葫蘆炙灰共研和，每服二錢。

論按立方取義頗佳。凡腫脹初起者，可以取用。
○痢後陽虛，水溼不化，腹滿面浮，足腫而色青黃，脈細。
慮延鼓脹重證，擬溫通脾腎之陽，疏利決瀆之氣，冀其
脹消腫退為妙。

川附 肉桂 白朮 澤瀉 茯苓 猪苓

川朴 陳皮 通草 冬瓜皮

論按病後陽虛腫脹，故用胃苓法，加溫運之品。
○腹暴脹而足腫，納食則脹益甚，溼熱挾氣，填塞太陰。
鼓脹重證。

川朴 赤苓 大腹皮 青皮 澤瀉 枳殼

查炭 黑丑 甘遂麩包 通草 薑皮

再診 腹滿稍寬。足仍浮腫。運脾化溼。冀其漸平。

川樸 茯苓 大腹皮 椒目 澤瀉 通草

陳皮 黑丑 蒼朮 神麩 枳殼 薑皮

三診 腹滿月餘。得食則脹甚。兩進攻消。運脾之法。胃

腕之脹已鬆。大腹之滿未化。再議疏通消導。

旋覆花 五加皮 澤瀉 雞內金 赤苓皮

檳榔 木香 黑丑 通草 砂仁

詒按此三方治腹脹之由乎溼積者。初起通用之

法。

附錄葉天士按云徐姓小兒單脹數月百藥無效余用肥兒丸萬安散磨積丹雞肫藥俱不效余謂氣分不效宜治血絡所謂絡瘀則脹也用歸鬚桃仁延胡山甲虻螂麤蟲靈脂山查之類爲丸十日全愈

詒按此等證本不多見但已經治驗自可存之以備一格

附錄吳按云腫脹久延腰痛帶下濁陰愈盛元氣已衰補則恐其助脹滲則慮其傷元擬早上服金匱炒焦方但取其氣不取其味亦有離照當空陰霾四散之義晚仍進清滲之方以膀胱爲氣化運行之府也

表裏兼治。漸次圖功。庶木德盛行之候。不致加劇耳。

詒按。病難着手者。不可無此巧法。有以五苓五皮煎湯。送炒黑金匱腎氣丸者。正與此相似。

○瘧後溼熱。內蘊於脾胃之中。熱上蒸而為口糜。溼內蘊而為腹脹。擬和中清化溼熱為法。

川連酒炒 川朴 焦麴 赤苓 枳殼 大腹皮

澤瀉 陳皮 黑梔 砂仁

詒按。案方俱平正通達。特未知能否奏效耳。

○病由肝鬱。木橫克土。溼熱不化。先有淋濁。愈後漸漸腹脹。左脇微覺隱痛。身微有熱。脈象絳絳。太鬱不達。慮

延鼓脹。勿輕視之。

柴胡 茯苓 白朮 香附 川芎 山梔

神麴 丹皮 白芍 青皮 川樸 香圓

另左金丸

詒按立方精當。雖不見出色。而已恰到好處。

○氣鬱於胸為膈。氣滯於腹為鼓。飲食不納。形肉頓瘦。陰氣凝聚。陽氣汨沒。脈細如絲。將何療治。姑與扶正培

土。通陽化氣為法。

黨參扶正 熟附通陽 肉桂五陽 澤瀉化氣 白朮培土 茯苓化氣

大腹皮

另來復丹錢一

詒按病已造乎極重。此方藥力之猛。足以制之。從此得效。尙可勉圖。

○痞塊由大瘧日久而結。多因水飲痰涎與氣相搏而成。久則塊散腹滿。變為臃脹。所謂癖散成臃也。脈細如絲。重按至骨。乃見絃象。是肝木乘脾也。口乾小便短少。是溼熱不運也。匝月腹日加大。急宜疏通水道。泄木和中。

五苓散	加川朴	川連	薑汁	青皮	陳皮
大腹皮	木香	車前子	通草		

另服古方厚朴散

川朴

薑汁炒

枳殼

三錢 巴豆七粒 合炒 黃去

巴木香

醋乾研

青皮

醋炒

陳皮

鹽水炒

甘遂

麩包煨

大戟

水浸晒乾

乾薑

炒黃

共為末每服

錢一

川砂仁車前子泡湯調下

論按此治癖散成臆之妙劑凡遇此等大證必乘早圖治若日久正虛便費周張矣錄此以為臨證者一隅之取

○暑溼挾積阻滯腸胃中州不運大腹驟滿腹中時痛痛則大便黏膩色紅似痢小水短少診脈沉而滑數是積之徵也擬大橘皮湯送下木香檳榔丸

橘紅 白朮 赤苓 澤瀉 猪苓 大腹皮

滑石 木香 砂仁 川朴

另木香檳榔丸

三錢

詒按病兼滯利故須先從腸府疎導

再診 氣與水相搏。大腹驟滿。小便不利。大便欲泄而不泄。法以疎氣逐水。

香薷 茴香 澤瀉 枳殼 赤苓 萊菔子

甘遂 大戟 黑丑 白丑 生薑

詒按此方專逐水積。力量頗猛。想其正氣尙旺。故可放手用之。

頭痛

○情懷鬱勃。肝膽風陽上升。右目昏蒙。左半頭痛。心餽不寐。飢而著食。內風掀旋不熄。痛勢倏忽無定。營液消耗。慮其症厥。法以滋營養液。清熄肝陽。務宜暢抱。庶克臻效。

大生地 元精石 阿膠 天冬 羚羊角

石決明 女貞子 滁菊 鈎鈎 白芍

再診 服滋陰和陽法。風陽稍熄。第舌心無苔。心餽善飢。究屬營陰消燦。胃虛而求助於食也。議滋柔甘緩。

大生地 石決明 麥冬 阿膠 火麻仁

女貞子 洋參 白芍 茯神 橘餅

詒按此養陰柔肝之正法與前人復脈定風阿膠雞黃等法用意相合。

諸般開

○鬱怒傷陰。木火上乘。竅絡耳生瘰肉。名曰耳菌。最屬淹纏。久久不已。防有血出。翻花之變。

生地 丹皮 北沙參 元參 遠志 鉤鈎

羚羊角 石決明 刺蒺藜 滁菊

另用藜蘆 腰黃 礪砂

上三味皆少許爲細末點入耳中立效

○膽熱移腦爲鼻淵。肝熱移肺爲鼻痔。病根日久。難以卒效。

羚羊角 丹皮 黑梔 甘菊 元參 辛夷
蒼耳子 石決明

另用雄黃、月石、冰片研末搐鼻。

詒按：耳、菌、鼻、痔均屬外證。須另用專方治之。先生長於外科。故用藥自然絲絲入筵。

○暑邪溼毒。走入營中。遍身驟發紫黑藍斑。鼻血齟腐。此屬發斑牙疳之險證。倘至壯熱神昏。不可挽矣。

羚羊角 犀角 黑梔 丹皮 銀花 連翹

鮮石斛 鮮生地 知母 蘆根

詒按此證於清營中宜稍參疏透之意。

○少陰腎水不足陽明胃火有餘牙宣出血。晡時微寒壯熱而其脈極細。此素體之陰虧也。當憑證論治。用景岳玉女煎。

生地 知母 牛膝 川連 石膏 麥冬

薄荷 蘆根

詒按此證之脈細。想係素稟如是。若云陰虛未必脈細也。總之須見證確有可據。乃可舍脈從證。未可冒昧以將事也。

痧痕門

○爛喉痧證來勢甚暴。甫周一日。丹疹密隱。咽喉已腐。壯熱無汗。大便泄瀉。煩躁渴飲。腕腹按之痛。邪不外達。熾盛於裏。燎原之勢。不可嚮迺。恐其遽爾內陷。昏喘生變。現在方法。辛涼透散。通同一律。無所短長。鄙見莫若。且用涼膈散。上者上達。表者表達。裏者下達。庶幾熱從外出。而痧透。火從下洩。而躁安。按內經病機。暴注下迫。皆屬於熱。仲景方論。急下之法。正以存陰。幸勿拘現患。泄瀉而遂謂不可再下也。雖然。智愚千慮。各有得失。尙祈高正。是荷。

涼膈散 加牛蒡子 桔梗 枳實

詒按既患丹痧則營絡中必有熱邪方中丹皮鮮地銀花元參等味斷不可少

再診 投涼膈散煩躁略安腕痛已止胸膈之燔稍衰其勢而咽喉紅腫乾欬嗆逆上炎之火未熄其威况丹痧一片點粒糝糊證交三日正屬邪張之際尙在險途未歸坦境擬方再望轉機爲妙

犀角 連翹 元參 川貝 桔梗 鮮石斛

牛蒡子 鮮薄荷根 蘆根

○痧回熱減溫邪初退之餘咽喉反腐虛火又從而附

之良由久患喉痺陰虛火亢熱滯搖動亢骸復張用方
最宜加謹過清恐傷脾胃早滋恐戀餘邪姑擬甘涼注
平調肺胃冀得上焦清肅

鮮石斛 大貝 元參 生草 丹皮 沙參

羚羊角 扁豆 稽豆衣 雪梨

詒按看似平淡無奇實已斟酌盡善

脚氣門

○暑雨潮溼溼從下受人於經絡兩足腿股痠楚不能
屈伸起卧轉側均覺艱難此屬脚氣適值經行之際少
腹窒塞小便澹痛溼熱自氣傷營故舌苔白而底絳脈

形瀉身微寒熱慮其有氣逆衝胸之變擬東垣防已飲
加減。

防已 薏仁 萆薢 秦朮 獨活 桑寄生

牛膝 木通 防風 歸尾 延胡 威靈仙

澤蘭 絲瓜絡

論按此溼熱注於經絡之病與載人類傷寒中之
脚氣宜用雞鳴散者不同。

再診 兩足稍能行動溼熱有流通之機仍宗前法增
損兼參健步丸意。

防已 萆薢 獨活 牛膝 杜仲 晚蠶砂

木瓜 當歸 延胡 秦艽 桑枝 絲瓜絡

遺精

○病由喪子。悲憤抑鬱。肝火偏盛。小水淋濁。漸至遺精。一載有餘。日無虛度。今年新正。加以左少腹。舉丸氣上攻胸。心神狂亂。衄血目青。皆肝火亢盛。莫制也。經云。腎主閉藏。肝司疏泄。二藏皆有相火。而其系上屬於心。心為君火。君不制相。相火妄動。雖不交合。精亦暗流而走泄矣。治法當制肝之亢。益腎之虛。宗越人東實西虛。瀉南補北例。

川連 黑梔 延胡 赤苓 沙參 川棟子

鮮地 知母 黃柏 龜板 芡實

另當歸龍薈丸錢一開水送下

詒按遺泄有專屬乎肝者此等證是也此方可引

以為例。

再丸方

川連

鹽水炒一兩

苦參

烘二兩

白朮

米泔浸晒二兩

牡蠣

煨三兩

共研末用雄豬肚

一個

將藥末納入肚中以綫紮好以

水酒各半煮爛將酒藥末共打如嫌爛加建蓮粉拌

乾作丸每朝服三錢

詒按此劉松石猪脂丸方也加川連一味。

○左尺極細寸關微而似數右三部俱絃滑下有遺精
暗疾肛門癢而出水上則頭眩耳鳴舌苔粉白以脈合
證腎陰下虧而溼熱相火下淫上混淆竅爲之蒙閉法
當補腎之陰以清相火清金和胃分利膀胱以化溼熱

大生地

蛤粉炒

龜板

牡蠣

懷山藥

麥冬

萆薢

澤瀉

赤苓

丹皮

知母

黃柏

半夏

詒按病源分析極清用藥亦熨貼周到

又丸方

大生地

砂仁陳酒拌蒸

冬朮

土炒

黃連

鹽水炒

苦參

天麻

懷山藥

丹皮

鹽水炒

牡礪

麥冬

元米炒

龜板

酥炙

川芎

半夏

芡實

草薢

鹽水炒

澤瀉

鹽水炒

赤苓

黃柏

鹽水炒

知母

鹽水炒

右藥為末用建蓮粉

四兩

神麩

四兩

黃泥

一斤

論按此方用丹溪大補陰丸合封髓猪脂分清等

法而成腎虛有溼熱者用之頗合或乃以苦寒疑

之是未識製方之妙義也

小便門

○先腹痛數日。遂至小便不利。少腹脹滿如鼓。今已半月。屢用通利之藥。小便雖通不爽。少腹脹滿益甚。診脈

絃繁舌苔白膩。飲食少納。身無寒熱。大便頻泄黏膩。如痰。此中陽不足。水溼泛溢。膀胱氣化無權。法當溫土以禦水寒。通陽以化溼濁。

乾薑

炒黃

肉桂

茯苓

澤瀉

茅朮

木香

茴香

詒按。因舌膩便痰。故知其為寒溼。惟先曾腹痛。則方中又宜兼通氣分。擬再加牛膝烏藥。

再診。張先生用平胃。化胃中之溼濁。五苓通膀胱之氣化。簡淨的當。無從增損。愚意複入半夏一味。暗合通澈陰陽之路。使水溼痰涎。從小便出。是亦古人加減成

方之心法也。

半夏 茅朮 川朴 陳皮 甘草 茯苓

猪苓 肉桂 澤瀉

○腎虛精關不固。溼熱混於坎宮。精從溺後而出。左脈虛細。右脈洪大。陰虧而相火勝也。補腎陰。化溼熱。用涼入味法。

涼入味湯加草薢

另威喜丸三錢淡鹽湯送下。

再診 精濁稍止。而兩足重墮無力。欬嗽胸痛。金水兩虧。溼熱不化。擬清暑益氣以化溼熱。兼固腎陰。

洋參 黃耆 茯苓 五味 神麴 麥冬

蒼朮 白朮 陳皮 前胡 通草

另知柏入味丸

三診 精濁已止。腿足重墮無力。舌苔白而惡心。坎宮之溼熱雖清。胃家之溼熱猶戀。擬和中化溼法。

豆卷 半夏 茯苓 陳皮 麥冬 沙參

扁豆

另資生丸

四診 腎虛胃溼。胸悶惡心。口沃清水。凡大便時。則精竅自滲。如膩濁。擬滲胃溼。固腎精。

熟地 五味 蒼朮 白茯苓 沙苑

炮薑 黃柏 建蓮

另威喜丸

詒按凡腎虛胃溼之病用藥甚難着手第一方專

顧腎第二方腎胃兼顧第三方專治胃第四方兩

層合治從黑地黃丸加味最有巧思

○淋濁日久不痛口常甜膩此腎虛而有溼熱也

蒼朮 四分

一分用米泔水浸透晒一分用鹽水炒一分用酒炒一分用破故紙

三錢研末拌炒去故紙

黃柏 四分

一分鹽水炒一分生晒一分酒炒一分用益智仁末三錢拌炒去益

仁智

蓮蕊鬚 馬料豆 製首烏 茯苓 生草

共研細末。懷山藥粉。煮糊為丸。

詒按腎虛而兼溼熱者。用藥甚難。觀此方取意極佳。惟於腎虛一面。尙可增入沙苑兔絲龜板之類。○腎開竅於二陰。前有淋濁之新恙。後有腸紅之舊疾。皆由於陰虛而有溼熱也。寓育陰於利水清熱之中。猪苓湯合加味槐花散主之。

茯苓 猪苓 阿膠 生地 槐米 枳殼

六一散 血餘炭 側柏炭

論按兩證貫串一綫用藥自然親切。

再診 便血已止。淋濁未清。今當固本。

芡實 炙草 洋參 麥冬 黃柏 生地

茯苓 沙苑 砂仁 蓮肉 懷山藥

另八仙長壽丸每服三錢開水送下。

○小便頻數。溺後有血絲血塊。此膀胱有熱。腎虛有火。通衝任之血。而下走前陰也。法當通瀉兼行。

生地炭 阿膠蒲黃炒 川連 龜板 赤苓

黃柏鹽水炒 大黃醋炒成炭 血餘 車前子 藕

另血餘炭二錢 血珀一錢 研末分兩服。雞子清調下。

再診 血止。小便頻數。氣墜。擬補陰升陽法。

生地 牡蠣 茯苓 龜板 懷藥 丹皮

杜仲 黨參 建蓮 鹿角霜

論按兩方用藥。極爲周到。所嫌者。平實而已。

○淋濁三年不止。腎虛溼熱不化。陰頭碎癢。筋骨微疼。六味補腎。能化溼熱。耐心久服。莫計效遲。

大生地 懷藥 茯苓 萸肉 丹皮 澤瀉

五味 麥冬 益智仁 湘蓮肉

論按六味能化溼熱。其理頗精。擬再加黃柏牡蠣。又按此證陰頭碎癢。筋骨微疼。疑有瘡毒內戀。而

然。

○雜藥亂投。諸病不除。中氣早戕。故腹中不和。大便不暢。至於本病精濁淆混。亦脾虛溼熱所致。

草薢 益智仁 半夏 陳皮 黨參 黃柏

烏藥 石菖蒲 兔絲子

論按精濁淆混四字。將病情包括無遺。用藥亦清靈不滯。

痢疾門

○從來肺有積熱者。大腸必燥。以相爲表裏故也。三五年來。屢發喉證。肺熱可知。今秋齟腫出血。多服涼藥。及

西瓜等物。遂患下痢赤白。常有乾糞夾雜其中。延及百
 日。近見堅栗而痢反更甚。此必有故。夫脾受瓜果之寒
 溼。既下流於大腸而為痢。則大腸之燥當除。今獨不然。
 竟若燥與溼。各樹旗幟。相為犄角之勢。豈非以脾屬中
 土而主溼。大腸屬燥金而主津。津虧則燥益堅。脾虛則
 溼愈甚耶。昔秦氏論痢。有溼火傷氣。燥火傷血之分。此
 則溼燥兩傷。擬撰一方。潤燥兼行。氣血兼理。或通或塞。
 均非所宜。

全瓜萆六錢 當歸一分 木香五分 川連酒炒五分 甘草四分

升麻三分 藕一分 陳火腿足骨多錢 一錢

詒按論病切實不浮。方亦穩適。微嫌氣分藥尙少。恐機關不能靈動耳。

○伏暑溼熱之邪。挾積內蘊。胸痞嘔惡。發熱舌燥。通府之後。變爲下痢。痢色紅白。膩凍。仍然痞塞嘔惡。飲食不納。勢成禁口。重證。須得胃開納穀。痢減不嘔。爲妙。閱諸高明方。層次轉折。各有主意。姑擬一方。商正。

川連

酒炒五分

黃芩

酒炒八分

白芍

炒錢半

青皮

八分

川朴

五分

陳皮

鹽水炒八分

神麴

錢三

茯苓

錢三

北沙參

錢四

砂仁

八分

生熟穀芽

各錢二

玫瑰花

二朵

原註此病嫌其兩脈虛濡。脾胃元氣大弱。似乎宜

參入扶正爲善。然下痢一證。古稱滯下。起於溼熱。居多。早補早斂。往往受累。此河間苦辛宣通。府滯之法。所以爲痢門必採之方。若夫深刻工夫。補陰補陽。治脾治腎。都爲久痢而設。尙非此時議論。所以甯落輕淺。不用深重之劑。蓋行遠自邇之意云爾。

詒按。閱是方者。有病重藥輕之疑。故方後申言其意。

○奔走遠行。傷飢飲酒。脾胃受病。病成休息。下痢痢經。兩載不愈。許學士香茸丸最妙。但嫌其價昂。且藥肆無。

此現成丸料。今姑師其意。而變湯服。

木香 丁香 杜仲 當歸 白芍 炮薑

茯苓 砂仁 鹿角霜 兔絲餅

詒按此脾腎兩治。而專重於腎者。○查原方皆用鹿茸沉香麝香。無用丁香者。煎劑中宜改用沉香為穩。

○脈經云。代則氣衰。細則氣少。多指陽氣而言。今下痢而得是脈。脾腎之陽微特著。况形衰畏冷。而小便清長乎。惟下痢赤者屬血分。腹中痛者為有積。立方當從此設想。蓋尋其罅而通之。補之。亦治病之巧機也。

附子枳實理中湯送下駐車丸。

詒按看病於虛中求實極其精審方亦的當。

○便痢白膩如水晶魚腦色小便不利少腹偏右板窒諸醫以爲腸癰固亦近是然考腸癰爲病有寒有熱金匱並出二方如大黃牡丹湯薏仁附子敗醬散概可見矣。此證則屬寒積試觀脈絃緊而不數面色青而不渴是其徵也。鄙意宜用溫通備候商訂。

肉桂五苓散 加砂仁 查肉

再診 溫通已效仍從前法。

原方 加炮薑 木香

三診 欲溺不爽。溺後氣向下墮。便痢白膩。雖稀。然腰尻痠痛如折。全屬陽虛氣陷之象。仿東垣意。參入前法。

黨參 升麻 肉桂 茯苓 澤瀉 冬朮

炮薑 木香 訶子煨 砂仁 鹿角

原註此證並非腸癰。乃寒積下痢耳。因諸醫皆云。余只得委曲周旋。但從腸癰爲病。有寒有熱。輕輕轉筆。折入溫通方法。既不得諸醫。又與病相合。不得不然之事也。○此方連服三劑。大便白膩全無。脾胃已起。

詒按認證已確。用藥自然。鍼芥相投。

○休息下痢。延及半載。色紅而黏。脈絃是風邪久羈於腸。藏營分之中。而莫能出。近日畏風身熱。是又感新風於外也。補中升陽兼涼血爲法。

黨參 白朮 防風 礞砂 茯苓 升麻

神麴 砂仁 陳皮 炙草 椿根皮炭

另駐車丸

詒按方中於新感一層。未曾顧到。○腸中有風邪。惟礞砂能治之。煎方中宜加黃耆。

○陽樞之瘧邪。轉入陰樞爲痢。痢色紅而後重。氣墮肛門覺熱。是下焦廣腸有熱也。白頭翁法甚當。然今瘧止。

又來仍從陰樞達出陽樞立法佐以和中使以泄熱

四逆散 異功散 黃芩湯 加生熟穀芽

詒按推論病機轉折極清立方自然熨帖

○痢而滑脫證已險逆濕固藏真一定成法然須得效庶可回春

熟地 杞子 龍骨 茯苓 炙肉 從蓉

杜仲 烏梅 炙草 山藥 鹿角膠赤石脂炒

龜板禹餘糧炒 穀芽 煎湯代水

詒按用藥極其切當惟病象已深未識能挽回否

○紅痢三年腹中結塊板硬不移按之則痛漉漉有聲

即便下利。此瘀凝寒積。久留於腸府。當以溫通下之。

川附 當歸 蒼朮炭 枳實炭 地榆炭

茯苓 通草 桃仁炒 大黃

詒按溫通瘀積。方極穩當。惟病久正傷。或再加扶正之品。更爲周到。

○瘧邪挾積。內陷爲痢。痢下紅膩。腹中陣痛。舌苔黃指。瘧勢仍來。形容大削。元氣內虧。慮有變端。治之不易。

神麴 川朴 茯苓 秦皮 川連 黃芩

白頭翁 柴胡 白芍 枳實 炙草

詒按此白頭翁湯。合四逆散。是由瘧轉痢。溼熱挾

積之的方。

○紅痢匝月。仍然腹痛後重。據云先曾發瘧三次。此屬中虛表邪傳裏。現今脈細肢寒。中焦陽氣已弱。小便艱難。膀胱氣化又鈍。擬連理兼化其溼熱。柴苓以解其表邪。是亦表裏兩解之法也。

柴胡 桂枝 茯苓 澤瀉 川連 木香

黨參 白朮 炮薑 炙草 砂仁

詒按論病立方。均熨帖老到。○此理中湯加香連。

五苓散加柴胡。

○肝胃不和。溼熱積滯為痢。延及半載。仍然腹痛。脘脹。

惡心。治以苦辛泄肝和胃。佐以分消運化。

川連 茯苓 川朴 木香 查肉 陳皮

青皮 赤苓 白芍 砂仁

另駐車丸二錢烏梅丸一錢和服

再診 痢減腹中猶痛。肝胃不和也。現值經來。脈絃寒熱。血虛木鬱。擬以養血疏肝。

歸身 白芍 香附 茯苓 冬朮 木香

陳皮 神麴 川芎 生熟砂仁

另駐車丸一錢烏梅丸一錢歸脾丸一錢和服

詒按前後兩方均親切不浮。此方中可加醋炙柴

胡五分。醋炒青皮一錢。

便血門

○痔血雖自大腸來。亦屬脾虛溼熱。至於大瘻。古云邪伏三陰。薛立齋云。三陰者脾也。上年瘧止。直至今夜復作。未免又有暑邪內伏。近日痔血相兼為患。擬用清暑益氣湯加味。內化溼熱。外解新邪。總以益氣扶中為主。俾中樞一運。自然內外分消矣。

黨參 炙草 黃耆 蒼朮 冬朮 當歸

麥冬 五味 青皮 陳皮 神麴 黃柏

葛根 升麻 澤瀉 防風 蜀漆 赤苓

煨薑 大棗

詒按宿病兼新邪而發。須先治新感。仍照顧宿病。乃能得手。此方是也。○經云三陰瘧疾。此三陰專指太陰脾藏言。與統指肝脾腎三藏者不同。

再診 素有便血之證。而患大瘧日久。凡患大瘧。其始必有寒邪。邪入三陰。大瘧成焉。若陰虛之人。寒久必化為熱。熱陷三陰。便血作焉。而三陽之寒仍在也。溫三陽之陽。以少陽為始。清三陰之熱。以少陰為主。然血既由大腸而出。又當兼清大腸。方用棉子肉。內具生氣。溫少陽之陽也。鮮首烏性兼潤血。清少陰之熱也。柿餅灰性

涼而清。清大腸之血也。標本並治。雖不中不遠矣。

棉子肉

炒黑四兩

柿餅灰

四兩

二味研末用

鮮首烏

二斤

搗自然汁取汁去渣以汁調

神麴

一兩

煑爛將上藥末搗丸每服三錢棗湯下

治按凡久病氣偏尋常湯藥性味牽制不能奏績

必用性味專簡之方乃能見效此方即用此意

○脾虛不能攝血便後見紅脾虛不能化溼腹臃足腫

病根日久腎陰亦傷腎司二便故小便不利是皆脾腎

二經之病也法以溫攝雙調

熟地

炮薑

茯苓

澤瀉

陳皮

車前子

川朴 茅朮 五味 丹皮 山藥 阿膠
論按凡脾腎兩傷者當斟酌於潤燥之間用藥極
難古方惟黑地黃丸最佳方亦從此化出。

再診

熟地 茅朮炭 白頭翁 黃柏鹽水炒 炮薑炭

阿膠 五味 秦皮

三診

山藥 川連酒炒 澤瀉 車前子 茯苓 川朴

陳皮鹽水炒 伏龍肝 煎湯代湯

炒黑腎氣丸合黑地黃丸 加阿膠 虎骨

鹿角霜 益智仁

原註第一方用黑地黄丸加阿膠。治脾腎兩虛兼以攝其陰血。第二方用白頭翁湯。清厥陰之熱以止血。第三方暗用平胃散以化滯。治其腹鳴。外合車前子澤瀉山藥。乃用六味地黄意補其腎。以利膀胱而通水道也。又再加伏龍肝。乃暗合黃土湯意。治少陰便血。層層回顧如此。

○便血腸燥。脈大氣虛。補氣則清陽自升。清腸則便血自止。

- 黃耆炒 防風根 阿膠 地榆炭 當歸炭

五味 荷蒂炭

另金銀花

炒黑一兩

柿餅灰

一兩

槐米

炒一兩

猪膽汁泛丸每

朝服一錢

詒按立方用藥頗有思路可取丸方尤佳

○腸胃有溼熱溼鬱生痰熱鬱生火大便下血晨起吐痰熱處溼中溼在上而熱在下治上宜化痰理溼治下宜清熱退火用二陳合三黃為法

半夏 陳皮 茯苓 川連 黃芩 杏仁

胡黃連 地榆皮 側柏葉 百草霜

詒按兩面周到於此可得上下合治之法

○腸痔脫肛便血其根已久有時舉發而脈象細數營陰大傷面黃少神脾氣大困兼之腹中鳴響脾陽且不運矣一切苦寒止血之藥非惟少效抑恐碍脾擬東垣黑地黃丸法。

熟地砂仁拌炒 炮薑四分 黃耆炙三錢 茅朮米泔浸炒

五味炒一分 錢一錢 黨參三錢 荷葉蒂兩個

又原方 加阿膠 伏龍肝

詒按方極正當凡陰虛而脾陽困頓者當取以為法。

蠱病門

○閱病源。是屬蟲病無疑。蟲由脾土不運。溼熱蒸化而
生。其發於月底之夜。乃由脾胃虛寒。寒屬陰。故夜發也。
寒久化熱。土虛木強。其發移於月初。必嘔吐胸熱。乳下
跳動。蟲隨酸苦痰涎而出。多寡不一。時或見於大便。腹
中微痛。雖渴甚。不能嚥水。水下復嘔。嘔盡乃平。至中旬
則康泰無恙矣。所以然者。月初蟲頭向上。且病久多嘔。
胃陰虧而虛火上炎。故胸中覺熱也。虛里跳動。中氣虛
也。中氣者。乃胸中大氣。脾胃冲和之氣。皆歸所統。今中
氣虛甚。故跳躍也。病延一載。蟲屬盤踞。未易一掃而除。
圖治之法。和中調脾。以杜生蟲之源。生津平肝。以治胸

熱口渴。化溼熱。降逆氣。以治嘔吐。久服勿懈。自可見功。欲求速效。恐不能耳。

川棟子

蕪荑

黨參

元米炒

白朮

使君子肉

半夏

陳皮

青皮

白芍

茯苓

焦六麩

乾薑

樞子

薏仁

詒按論病頗切實。惟立方專於顧本。似難取效。擬

另服殺蟲丸藥以佐之。

○喜食生米。積聚生蟲。腹痛面黃。口流涎沫。蟲之見證。無疑。先擬健脾化蟲。

茅朮

米泔水浸

青皮

鶴虱

樞子

炒打

蕪荑

檳榔

陳米炒
黃

論按此治蟲病初起最輕之方。痛時口流清水。是蟲病的據。

內經門

○熱在中焦部分。時吐紅痰帶臭。不甚欬嗽。病在於胃。有留熱伏於中宮。法當清泄。

犀角 射干 桃仁 當歸 薏仁 冬瓜子

連翹 銀花 川貝 大黃 元明粉

再診 不欬嗽。但吐紅痰如膿。自覺灼熱。在於胃脘之中。將及三月。非肺癰也。乃瘀熱留於胃中也。當以清化。

當歸 薏仁 冬瓜子 沙參 連翹 川貝

石斛 銀花 赤小豆 蘆根

三診 吐痰如膿已止。腕中之熱已退。時覺微寒微熱。餘火未清。仍從前法加減。

黨參 當歸 薏仁 杏仁 沙參 冬瓜子

丹皮 黃芩 甘草 茅根 蘆根 赤小豆

詒按此病得力在第一方。故知其非肺癰。然紅痰如膿而臭。究與腕癰無異。作胃腕癰治。當不致誤。○者邪挾積。阻滯腸胃。腕腹疼痛。大便泄出如膿如血。證屬盤腸流注。非輕證也。

川連 木香 檳榔 當歸 查肉 神麴

黃芩 枳殼 赤芍 砂仁

詒按膿血痢而名流注說頗新奇閱方仍是治痢之藥憶蔣問齋醫略中論痢疾一證謂是腸中作膿當用外瘍治法與此案正相合也

外瘍門

○多年溼毒左足前臙腐爛今則膝骨臀股上及缺盆疼痛而木腫此溼得熱而蔓延循經竄絡病在陽明名溼毒流注口苦帶臙脈緩而小溼勝於熱熱伏溼中仿防已飲法

防已 蒼朮 黃柏 南星 木通 威靈仙

防風 歸身 獨活 紅花 草薺 羚羊角

滑石

治按此治外傷正法是傷證之偏於陽者

再診 前用防已法宣通關節以化溼熱膝股之痛稍

緩惟缺益處欬嗽引痛不平擬參以清肺化痰

前方去羚羊角 防風 木香 紅花

加薏仁 杏仁 川貝 沙參

○周身碎癢而痛似疥癩狀心中煩熱膚上出膿水證

屬肺風

馬勃 象貝 荆芥 黃芩 杭菊 蒺藜

詒按此溼熱走於血分之病當兼疏血絡擬加歸

鬚丹皮赤芍忍冬藤浮萍細生地

○寒痰凝阻。煩車不利。高而腫硬。色白不紅。此屬陰寒骨體與色紅身熱者不同。

熟地 麻黃 桂枝 防風 製蠶 白芥子

當歸 秦艽

詒按此病挾肝火者十之八九此獨不然於此可悟辨證之不可膠執也

○溼久蘊於下焦。氣血凝滯而結瘍。生於合纂之旁。滋

莫肛臂之際。初起數日即潰。火甚毒甚可知。潰後爛孔
 極深。迄今四五十日。新肉雖生而嫩。肛臂餘腫仍僵。久
 卧牀褥。脾胃之轉輸自鈍。刻當痛楚。形容之色澤尤枯。
 調治方法。自宜補益。高明見解。大略相同。愚意處處固
 虛。而實處仍實。擬用煎丸二方。各走一經。虛實兼顧。

六君子湯去半夏 茯苓 加黃耆 歸身

白芍 穀芽

又丸方

川連	酒炒	胡連	酒炒	苦參	炒	黃柏	一錢	當歸	三錢
乳香	一錢	沒藥	一錢	白芷	一錢	犀黃	二分	血珀	四分
						白礬	三錢		

刺蝟皮

錢一

象牙屑

錢三

海螺蛸

錢三

共為末用黃占煇化作丸。每朝服五分。

原註凡極苦之藥直入下焦。堅陰而化溼熱。用蝟皮。牙屑之專消漏管者。引入患處。更用黃占以瀉之。固之。俾上中不受苦寒之藥氣。俾入下焦。其性始達。

論按丸方用意極精。

○溼熱結疝。初起腎囊紅腫。漸至氣上攻脇。脇肋腫痛。已及半月。防成肋癰。病在肝絡。肝性善升。甚則恐致氣升發厥。非輕證也。

川棟子 延胡 青皮 香附 查炭 枳殼

旋覆花 桃仁 赤苓 狸絳 葱管

論按方治疝氣而肋癰即在其中內病外瘍一以

貫之也

○木鬱不達。乳房結核堅硬。胸脇氣撐。腰脊疼痛。氣血

兩虧。鬱結不解。論其內證。即屬鬱勞。論其外證。便是乳

岩。皆為難治。

黨參 香附 川貝 當歸 白芍 青皮

橘核 狗脊 杜仲 砂仁

論按論病簡潔老當

○乳房結核堅硬。雖皮色不紅。而推之鬆動。此非乳痰。仍屬乳癰。肝鬱所致。身微寒熱。防滋蔓難治。

柴胡鹽水炒 當歸 白芍 黑梔 川貝 香附

瓜蒞皮

另金針菜炙脆 皂莢子炙三錢 射干炙三錢

研末分三服。飲酒者酒下。否則砂仁湯亦可。

詒按煎方用逍遙散。亦通套方也。好在有末藥以佐之。

再診 乳癰已潰。寒熱亦止。第餘塊未化。惟和其氣血。調其鬱結而已。

當歸 白芍 香附 川貝 遠志 砂仁

丹參

○肝鬱結成乳痰。延及旬月。堅中帶軟。頂色轉紅。勢將穿潰。潰後見膿。乃吉。若血多膿少。非所宜也。

川棟子 當歸 青皮 白芍 橘紅 川貝

香附 茯苓 砂仁

再診 乳痰穿破。有血無膿。乃氣虛不能引血化腐爲膿也。防變乳岩。不易收功。

黨參 歸身 白芍 茯苓 棗仁 川貝

香附 陳皮 牡蠣 砂仁 甘草 橘葉

論按此等鬱痰證。須正氣不虧。更能曠懷自遣。乃可醫治。二者缺一。不可治也。

又單方

川貝三錢橘紅五錢萊菔子炒三錢蓮蓬皮另炙灰五錢

○痰癥二載。自頸延脇。或已潰。或未潰。或潰而不斂。或他處續生。累累然。如貫珠。如疊石。潰後色黑而膿稀。外軟而內堅。診脈不甚虛。飲食尚可。細詢病由。氣鬱而起。鬱則肝膽三焦之火。循經上走於絡。結成癥核。小則為癥。大則為痰。收功非易。必放開胸襟。曠觀物理。乃佳。

夏枯草五錢昆布三錢山茨菇三錢遠志甘草湯煮三錢元參二錢

川貝

錢二 歸身

錢二

天葵草

錢三

香附

錢一

功勞葉

錢二

詒按此病亦與失營證相類。幸脈實能納。故用藥

專從痰火着想。

○翻花腎岩。法在難治。怡情安養。庶幾可圖。然非易事

也。

鮮首烏

兩一

馬料豆

兩一

銀花

兩一

甘草稍

兩一

煎濃服

西黃

分一

川連

分五

血珀

分五

藥珠

分三

燈心灰

分五

大貝

錢二

人中黃

錢一

研末分十服每朝一服

論按此腎虛而兼瘡毒之變證也。

○先天元氣不足。胎中伏毒。因虛竄絡。頸項結核。或已潰。或未潰。或潰而不斂。兼以耳聾鼻塞。腦門遇陰雨則脹痛。欬嗆牙關不利。皆陰虛陽亢。毒邪上蒙清竅之見端也。若徒治其虛。伏毒何能宣化。擬養陰化毒。

北沙參

三錢

花粉

三錢

當歸

三錢

海螵蛸

三錢

川貝

二錢

防風

一錢五分

銀花

三錢

稽豆衣

三錢

珠粉

一分

血珀

五厘

西黃

五厘

論按鼻塞腦痛。皆餘毒內戀之象。擬再用化毒丹佐之。

○廣風自頭而起。漸延遍體。溼熱穢毒之邪。從鼻而受。爲日既久。未易掃除。擬用金蟾脫甲酒意。

金銀花

三兩蟾蜍

去腸一雙

苦參

三兩大黃

一兩皂莢子

十粒

川芎

一兩

白蘚皮

二兩

一本有蛇脫

脫

一兩甲片

二兩

用陳酒五斤浸七日每日飲杯許

詒按此與前條之證皆係餘毒所致

○肝經鬱火乘犯陽明。牙齦癢痛出血。而發牙疳。舌紅。碎裂。頭眩心煩。是營陰內虧。而納穀氣撐。又屬脾氣虛也。猶喜大便燥結。可用清滋法。先平其炎上之火。

羚羊角

鮮生地

鮮石斛

元參

麥冬

石決明 女貞子 茯苓 棗仁

詒按立方專於養陰熄肝。愚意再加廣皮雞內金。以健運脾氣似更周到。

○陰虧火亢繞頸生痰寒熱似瘧而實非瘧也。少陰水虧不能涵木少陽火亢更來燥金金木交戰乃生寒熱飲食少脾胃弱慮延勞損。

六味地黄湯 加牡蠣 黨參 麥冬 柴胡

白芍 五味

詒按方以六味滋腎生脈保肺合柴芍以清肝立方周到。疑帖愚意擬去溫肝之萸肉再加清膽之

黃芩

○牙齦滲膿。二載不愈。此屬牙漏。腎虛而胃有溼熱所致。

六味丸

錢三資生丸

錢二

相和每朝四錢淡鹽湯送下

詒按六味補腎固佳。資生清溼熱似嫌力量不到。○本原不足兼挾風濕發熱。頸間結核成痰。二十餘日。不紅不腫。不消散。亦不作膿。屬半虛半實。慎柔方有良法。用四君子加牛蒡。世所未知。余曾驗過。

四君子湯

加牛蒡子

象貝

桑葉

詒按四君補虛加勞貝以消風化痰桑葉以清肺
通絡虛實兼顧絕不犯手

再診 昨用慎柔方是托散法服下若汗出熱退則數
劑可消若汗不出仍發熱則數劑成膿亦易潰斂

前方 加鈎鈎

三診 三歲孩童但哺乳汁不進穀食脾胃虛弱可知
頸結痰核而有寒熱必挾風溫屬半虛半實今將一月
熱退復熱其塊不消不作膿大便溏脾胃不足氣血兩
虛

黨參 冬朮 陳皮 荆芥 黃耆 歸身

防風 葛根 砂仁 桑葉

詒按因慎柔方不效轉擬此方其實遠不及前方之靈動也。

○瘍漏久而成管。用消管丸。緩緩治之。

胡黃連一兩 刺猓皮兩 象牙屑一兩 五倍一兩

蟾酥酒化三錢 陳硬明角燈二兩

右藥為末。煉蜜丸。用上好雄精三錢。泛上為衣。每朝服

三錢。金銀花湯送下。

詒按方意極佳。惟蟾酥大毒。走竄之品。擬減半用之。

婦人門

○目之烏珠屬肝。瞳神屬腎。病因經行後。腰痛口乾。烏珠起白翳。怕日羞明。瞳神散大。此肝腎之陰不足。而相火上炎也。補陰之藥極是。再稍參清洩相火之品。

女貞子

旱蓮草

生地

杞子

黃柏三分煎汁炒

潼沙苑

穀精草

丹皮

元參

桑椹子

黑芝麻

另磁硃丸

再診 血虛則木旺。木旺則脾衰。脾衰則痰溼不化。肝旺則氣火易升。是以腹中時痛。臍右有塊。目中乾澀。口常甜膩。舌苔白。而經水不調也。治法不宜制肝。制則耗

其氣。但當養陰以和肝。不可燥溼。燥則劫其陰。祇宜和脾以運氣。此仲景治肝補脾之要法也。

黨參 當歸 白芍 茯苓 冬朮 半夏

陳皮 丹皮 香附 橘葉

三診 脈輕按虛微。是爲元氣之虛。重按細數。是屬營陰之損。左尺細弱。腎水虧也。歷診病情。每遇經來。其熱輒甚。舌上卽佈白苔。良以胃中溼濁。因裏熱熏蒸而上泛也。少腹有塊。攻痛聚散無常。是名爲瘕。瘕屬無形之氣。隸乎肝腎爲多。揆其致病之由。因目疾過服苦寒。戕伐生生之氣。胃受寒則陽氣鬱而生溼。肝受寒則陰氣

凝而結痕。陽氣鬱於胸中。故內熱。陰氣凝於下焦。故腹痛。經事過則血去而陰虛。故其熱甚。甚則蒸溼上泛。故舌苔濁厚也。刻下將交夏令。火旺水衰。火旺則元氣耗而不支。水衰則營陰涸而失守。惟恐增劇耳。圖治之法。補脾胃以振元氣。培肝腎以養營陰。是治其本也。稍佐辛溫宣通下焦陰氣。是兼治其痕痛之標也。

黨參 黃耆 冬朮 茯苓 炙草 歸身酒炒

萸肉酒炒 首烏 木香 白芍吳黃三分煎汁炒 馬料豆

生熟穀芽

詒按三案論病則委曲周至。用藥則細膩熨帖。看

似平淡無奇。實則苦心斟酌以出之。誠以調理內傷久病。與治外感時邪不同。病久正虛者。病機必多錯雜礙手之處。用藥必非一二劑所能奏效。故立方必須四面照顧。通盤打算。不求幸功。先求無弊。此等功夫。非老手不能擅場。

○崩後不時寒熱。腹中有塊。口發牙疳。營虛有火。氣虛有滯。調之補之。

黨參 陳皮 當歸 白芍 丹皮 茯苓

麥冬 元參 黑梔 女貞子 建蓮肉

再診 血虛木橫。兩脇氣撐脹痛。腹中有塊。心蕩而寒。

熱病根日久。損及奇經。經云。衝脈爲病。逆氣裏急。任脈爲病。男疝女瘕。陽維爲病。苦寒熱。陰維爲病。苦心痛。合而參之。謂非奇經之病乎。調之不易。

黨參

黃耆

當歸

白芍

沙苑

茯神

杞子

香附

陳皮

白薇

紫石英

詒按。擬再加牛膝。青皮。沈香。

三診。和營衛而調攝奇經。病熱皆減。惟腹中之塊未平。仍從前法加減。

前方去杞子

加砂仁

冬朮

詒按。古無專屬奇經之病。亦無專入奇經之藥。考

內經入脈行度。及前賢議論。均謂十二經氣。血有餘。則溢入奇經。有病者亦必日久病深。由正經而侵入之。然則用藥治病。自當仍以正經為主。學者須明此意。勿爲近賢議論所蒙也。

○內熱日久。經停兩月。投養陰調血通經之劑。得熱減。經行。可謂效矣。然猶未也。脈數不和。舌仍光赤。乃陰津未充。虛陽未斂也。仍宜小心安養爲善。

生地 當歸 白芍 丹皮 阿膠 香附

黨參 茯苓 陳皮 地骨皮

詒按。平正妥帖。

再診 脈數已和。舌色光紅已退。但有時尚覺微熱。仍以前法增損。

前方去丹皮 阿膠 加麥冬 狗脊

○經事不來。足腫腹滿。臍下偏左有塊。上攻作痛。此瘀凝氣滯。病屬血分。慮延成噎。

三稜醋炒 莪朮 香附 當歸 神麴 查肉

延胡 砂仁

另大黃廬蟲丸。每服五粒。日三次。

詒按此氣血兩疎之法。用藥切實不浮。好在丸藥緩攻。不嫌其峻。

再診 經停腹滿形瘦色黃氣血瘀凝防其成臑

香附 延胡 枳殼 茯苓 蘇梗 川樸

大腹皮 冬瓜皮

另大黃蘆蟲丸

○憂愁抑鬱耗損心脾之營而肝木僭逆胸中氣塞內
熱夜甚經事兩月不來脈沉而數熱伏營血之中擬用
柴胡四物湯和營血以舒木鬱

黨參 冬朮 生地 當歸 白芍 香附

青蒿 白薇 生熟穀芽

詒按此等證調治失當取易入於損途○擬再加

丹皮丹參

○經後少腹痛連腰股。肛門氣墜。大便不通。小便赤澇。擬泄肝經之鬱熱。通絡脈之凝滯。

金鈴子 延胡 郁李仁 歸尾 黑梔 柴胡

龍膽草 大黃酒炒 旋覆花 猩絳 青葱管

詒按病情於小便上得之。

○經行後少腹作痛。上及胸腕腰脇。內熱口乾。大便不通。小便熱痛。此肝氣挾瘀所致。

川棟子 延胡 桃仁 香附 山梔薑汁炒

澤蘭 川連吳萸炒 丹皮

另當歸龍薈丸

三錢淡鹽湯送下

詒按、病情與前條相似。方亦近之。惟當歸龍薈丸用得太重。宜減半服之。

○年將五十。經事頻來且多。是衝脈不司收攝故也。防其崩決。補之攝之。

黨參 黃耆 當歸 於朮 棗仁 陳皮

茯神 阿膠 荷葉蒂 藕

詒按、此方從歸脾增減。補則有之。攝則未也。擬加牡蠣、龜板、茜草、炭烏賊骨以佐之。

○病起當年。產後。雖經調理而痊。究竟營虛未復。是以

至今不育。且經事乖而且多。亦營虛而氣不固攝之故。自上年九秋。又感寒邪。入於肺爲欬嗽。痰中帶血。此謂上實下虛。血隨氣逆。蔓延旬日。加以內熱。漸成勞損。姑仿仲景法。扶正化邪。以爲下虛上實之法。

生地

黨參

炙草

當歸

豆卷

前胡

茯苓

懷藥

麥冬

阿膠

川貝

杏仁

桂枝

枇杷葉

論按。趨步古人。非胸羅經訓者。不能時下隨證敷衍。烏能望其項背。

再診。進薯蕷丸法。補氣血。生津液。徹風邪。欬嗽已減。

瑋濟醫集卷一
所謂上實下虛病情不謬。據云當年產後腹中常痛。至今未愈。顯見營分有寒。已非一日。但內熱淹纏。心悸頭眩。久虛不復。終爲勞損。茲從入珍加減。複入通補奇經。王道無近功。耐心安養爲是。

十全去耆芎 加阿膠 艾 炮薑 紫石英

陳皮 麥冬 欵冬花 川貝 神麴 大棗

三診 溫補奇經。病情俱減。今仍前制。

十全去耆芎草 加阿膠 香附 炮薑

陳皮 吳萸

○兩次血崩之後。赤帶連綿不斷。迄今半載有餘。脈象

虛微氣血大虧。是以頭眩心跳。腰痠足軟等證。均見也。近日腹痛食減。恐其復致崩決。擬方固攝奇經。

女貞子 烏賊骨 茜草炭 旱蓮草 黨參

茯苓 白芍 丹皮 阿膠 蓮肉 荷葉蒂

藕節

另震靈丹二錢

再診 固攝奇經。病情不減。崩漏不止。腹痛不已。用升

陽固陰法。

鹿角霜 沙苑 龍骨 牡蠣 懷藥 杜仲

女貞子 杞子 茯苓 棕炭

詒按固攝不效。進用升澁。此用藥轉換。一定層次。○痛而經來。肝木橫也。經事參前。血分熱也。色黑有瘀。和而化之可也。

川棟子 延胡 丹皮 當歸 白芍 澤蘭

香附醋炒 木香 茯苓 查炭 砂仁

詒按立方平善。

再診 經來色黑而痛。當與化瘀。

生地 桃仁炒 紅花 澤蘭 黑梔 香附醋炒

當歸 川芎 醋炙 大黃炭

○養血以調經理氣。以止痛。補肝之虛。以平眩暈。助脾。

之運以除惡心

熟地六分三分一分砂仁拌炒一分薑汁炒焦一分

當歸三分三分一分吳萸一分錢煎汁炒一分茴香一分

白芍二分二分一分肉桂一分錢煎汁炒

香附四分四分一分黑梔三分錢煎汁炒一分鹽水炒

川芎酒炒一分沙苑鹽水炒一分茯苓三兩陳皮鹽水炒一分

黨參酒炒三兩丹參酒浸晒乾再長再晒如此七次焙研

詒按此方製法精巧。養血理氣。兩擅其長。木香砂

仁亦可酌增。

○欬嗽發熱日久。前投補益脾胃之藥。六七劑。食穀加

增起居略健。但熱勢每交寅卯而盛。乃少陽旺時也。少陽屬膽與肝。相為表裏。肝膽有鬱熱。戕伐生生之氣。肺金失其清肅。脾胃失其轉輸。相火日益熾陰。津日益涸。燎原之勢。不至涸極不止也。其脈絃數者。肝膽鬱熱之候也。刻下初交夏令。趁其胃旺加餐。擬進酸苦法。益陰和陽。清徹肝膽之鬱熱。考古方柴前連梅煎。頗有深意。錄出備正。

柴胡

猪膽汁浸炒五分

川連

鹽水炒五分

白芍

錢前一

烏梅

五分

麥冬

錢二

黨參

錢三

秋石

三分

炙草

錢四

薤白

錢五

原註此方服後熱勢竟退。此時已經停兩月以後。

或熱或止。喜其能食。至四五月後。方知其有孕。
論按此等證最易認作虛損。得此議論。大開後人
眼目。又按此必有微邪。伏於肝膽之間。挾木火而
發。煎熬津液。日就乾涸。古人所謂營風者。曹仁伯
謂卽是此証。

○寒氣客於下焦。瘀凝停於少腹。阻塞胞門。膀胱陽氣
失化。以致癰閉。產後八日。而小便不通。脈細肢寒。腹中
覺冷。恐其氣逆上攻。發厥法。以溫通下焦。化瘀利水。冀
其應手爲妙。

當歸

八錢 川芎

四錢 查炭

五錢 炮薑

五分 桃仁

三錢 車前

五錢

益母草湯同陳酒各一碗代水煎藥

另肉桂

五分

血珀

五分

甘遂

三分

共研末藥汁調服

詒按末藥方甚佳煎方中擬加澤蘭牛膝吳萸○

此證甚急用藥能絲絲入籠迥異膚浮家數

再診 小水癃閉已通瘀凝未下少腹仍然板滿再以

溫通洩瀉

肉桂 延胡 紅花 桃仁 丹參 兩頭羌

歸尾 查炭 牛膝 炮薑 冬葵子 車前

○前年小產惡露數日即止因而腹痛結塊心神妄亂
言語如顛此所謂血風病也胞絡下連血海上系心胞

血凝動火。火熾生風。故見諸證。診脈絃搏。肝陽有上亢之象。防加吐血。治法當以化瘀爲先。稍佐清火可也。

丹參 延胡 五靈脂 川連 川貝 赤苓

蒲黃 黑梔 茺蔚子 香附

另回生丹一粒

詒按疏證病原切實指點與膚浮影嚮者不同

○產後腹痛年餘。營虛木鬱。脾胃受戕。時作惡心。時沃酸水。用千金當歸建中湯。

當歸 白芍吳黃炒 炙草 炮薑 肉桂 川椒

南棗 橘餅

詒按用藥切當。無支湊幫貼之病。自是老手。

再診 前投建中法。腹痛已止。復因經行之後。勞碌受寒。腹中又痛。加以晡熱。飲食減少。舌苔乾白。此屬血虛肝鬱。脾虛木橫。用歸脾法加減。

黨參 黃耆 茯苓 陳皮 冬朮 歸身

炮薑 木香 砂仁 白芍 吳黃炒 橘餅

○產後瘀凝未淨。新血不生。身熱日久。少腹疼痛。小溲淋漓。帶下血筋。此肝經鬱熱。兼挾凝瘀為患。殊非小恙。姑擬洩肝和營。化瘀為法。

鮮生地 薑汁拌炒 生薑渣 鮮地汁拌炒 黑梔 延胡

金鈴子 龍膽草 丹參 赤苓 歸鬚 狸絳

甘草稍 青葱管

詒按恰合病機。惟少腹痛者。於化瘀一層。尚須着意。擬加西珀烏藥紅花。

○經事來多去少。似崩非崩。是血虛有熱也。所謂天暑地熱。則經血沸溢。用白薇湯加阿膠主之。

女貞子 白薇 阿膠米粉炒 黃芩醋炒 歸身炭

沙苑鹽水炒 黃栢 白芍 旱蓮草 蓮心

詒按立方精到。熨貼。

○經停少腹痛。小溲淋漓。有血縷。此肝火與凝瘀交阻。

當導而通之。

龍膽草

小薊炭

桃仁

大黃

酒炒

山梔

冬葵子

延胡

車前子

丹皮

海金沙

詒按立方切實。

○經行後奔走急路冷粥療饑少腹疼痛連腰脇兼及前陰此肝腎受傷又被寒侵而熱鬱也經云遠行則陽氣內伐熱舍於腎冷粥入胃則熱鬱不得伸故痛也遵寒熱錯雜例兼腹痛治法。

川連

酒炒

炮薑

桂枝

白芍

吳萸三分煎汁炒

全當歸

木通

香附

查炭

黑梔

旋覆花

猩絳

論按推究病原親切不膚

○內經有石瘕石水之證。多屬陽氣不布。水道阻塞之證。少腹有塊堅硬者爲石瘕。水氣上攻而腹滿者爲石水。此證初起小便不利。今反小便不禁而腹漸脹滿。是石水之象。考古石水治法不越通陽利水。淺則治膀胱。深則治腎。久則治脾。茲擬一方備採。

四苓散去猪苓 加大腹皮 陳皮 桑白皮

川樸 烏藥 桂枝 雞內金

另朝服腎氣丸

錢二

論按煎方治膀胱丸方治腎方中桂枝擬改用肉

桂

○體氣素虧。頻年屢患欬嗽。今春產後悲傷。欬嗽復作。背寒內熱。氣逆痰多。脈虛數。大便澹。延今百日。病成羸勞。按產後血舍空虛。八脈之氣先傷於下。加以悲哀傷肺。欬嗽劇發。震動衝脈之氣上逆。經云衝脈為病逆氣裏急。陽維為病苦寒熱。頻進疎風清熱。脾胃再傷。以致腹痛便澹。食減無味。斯皆見欬治欬之弊。越人謂上損及脾。下損及胃。俱屬難治。姑擬通補奇經。鎮攝衝脈。複人扶脾理肺。未能免俗。聊復爾爾。

熟地

砂仁
炒炭

當歸

小茴香
分拌炒

三白芍

桂枝
分拌炒

三紫石英

牛膝鹽水炒 茯苓 川貝

詒按用熟地歸茵牛膝紫石英溫攝衝任用歸芍以調陽維用藥頗為親切擬再加胡桃人參山藥

沙苑牡蠣

○心胸覺冷經事數月一來食入則腹中脹痛寒痰氣鬱凝滯不通當以辛溫宣暢導熟料五積意

半夏 桂枝 茯苓 蒼朮 白芍 川樸

川芎 歸身 丹參 炙草 陳皮 枳殼

高良薑

再診 苦辛溫通之劑而能調經散痞用之果效益信

古人言不妄發法不虛立在用者何如耳

前方去良薑 加茺蔚子 砂仁

○乳房屬胃。乳汁血之所化。無孩子而乳房膨脹。亦下
乳汁。此非血之有餘。乃不循其道。以下歸衝脈。而爲月
水。反隨肝氣上入乳房。變爲乳汁。事出反常。非細故矣。
夫血猶水也。氣猶風也。血隨氣行。如水爲風激。而作波
瀾也。然則順其氣。清其火。熄其風。而使之下行。如風迴
波轉可也。正何必參堵截之法。澁其源而止其流哉。噫。
可爲知者道。難與俗人言也。

元精石 赤石脂 紫石英 寒水石 牡蠣

大生地 白芍 歸身 茯神 烏藥 麥芽

郁李仁

詒按此等議論。全是精心結撰。毫無依傍。非胸有積理者不能道。於乳汁變化之道。確鑿指出。非見理精到者不能。方擬去石脂郁李加丹參丹皮牛膝。

小兒門

○幼穉伏邪挾積。阻滯腸胃。蒸痰化熱。肺氣窒痺。是以先瀉而後欬。更繼之以發熱也。今者便泄已止。而氣急痰嘶。肺氣阻痺尤甚。法當先治其肺。蓋恐肺脹。則生驚。

發搐其變端莫測耳。

葶藶子錢三 萊菔子錢三 六一散錢三 枇杷葉三片

再診 痰嘶氣喘逆平其大半熱勢起伏退而復作時

下多瘧須防轉瘧。

白蘿蔔汁杯一 鮮薄荷汁半杯 二味煎濃去上沫加入冰

糖錢 烱化薑汁滴 冲服

論按兩方用藥俱清簡可法於小兒尤宜。

○先痢而後瘧已經兩載面黃內熱腹滿足腫脾氣大虛舌紅形瘦陰液大傷童勞證也。

黨參 茯苓 於朮 陳皮 黃耆 澤瀉

川連 神麴 防風根

再診 瘡痢三年。脾胃元氣大傷。脈數舌紅。腹滿足腫。小溲短少。前投升陽益胃。熱勢略減。今擬補益脾陰。兼以化濁。然童穉陰虧。病延日久。夏令防其增劇。

黨參 懷藥 冬朮 麥冬 五味 白芍
陳皮 茯苓 砂仁 雞內金

詒按小兒虛證。自以後天脾胃為主。然脈數舌紅。陰液亦損。亦當稍參養陰之意。

○先天不足。三陰虧損。筋絡空虛。兩足蹠攣。身熱骨瘦。童勞痼疾。難治。

生地 當歸 牛膝 川斷 狗脊 苡米

鼈甲 羚羊角 桑枝

詒按用薏米桑枝於補劑中稍參風溼治法

○斷乳太早元氣薄弱欬嗽發熱已逾四月形瘦骨立疳勞重證唇紅而善食腸胃有疳蟲也

川貝 杏仁 茯苓 百部 川連 黨參

地骨皮 陳皮 蕪荑 欵冬花 桑白皮

詒按此方專以殺蟲為主愚意當另擬培元之法以佐之

○馬脾風極重險證危生倏忽姑與牛黃奪命散

大黃生切 檳榔一錢 黑牽牛三錢

共研末分二服白蘿蔔汁調服

論按此古方也。病情急重非此亦無法可挽。或有

痰熱壅甚者服越脾或麻杏甘石湯亦效。

○音啞喘欬痰聲啞咯風痰襲肺肺脹夾驚險候。

麻黃 杏仁 射干 桔梗 枳殼 菖蒲

前胡 白前 紫苑 桑白皮

另白蘿蔔汁沖服

論按此證風痰壅閉與喉科中馬脾風相類治之稍遲即不可救學者最宜留意。

○痧後挾積移熱於大腸腹中熱痛每交寅卯二時則痛甚擬開肺金之鬱倣丹溪論參越桃意

良薑 桔梗 川連 通草 滑石 黑梔

查炭 砂仁 焦麴

再診 痧後腹痛甚於黎明腸氣爲陰寒所遏欲升而不得升故痛甚於黎明也前用溫寒並進見效今仍以
前法加減

桂枝 乾薑 吳萸 木香 延胡 香附

查炭 檳榔 赤苓 黑梔 白蔻仁

詒按此寒熱錯雜之證大抵熱爲寒鬱故立方以

寒熱互用奏功。

門人趙樹誠
族弟寶慶同校

環溪醫案

卷下 小兒

畫 惜餘小舍

江陰柳氏醫學叢書之八

評選愛廬醫案二十四條

右愛廬醫案若干條皆江張大曦仲華所著也仲華道光時人以醫術馳名江淞間原刻上下兩卷共一百餘案咸豐時刻於蘇州未幾燬於兵燹遂少傳本甲午夏詒於友人案頭得見鈔本假歸讀之見其論病選藥思路深細用法精到頗能獨開生面發前人所未發惟刻意爭奇不肯稍涉平境因之議論有過於艱深者立方有流於纖巧者竊念方藥之道動關性命非如詞章曲藝可以隨人

好惡各自成家是必博稽精采慎所從違庶幾可
法可師不致貽誤來學因就所鈔本精選而加評
焉共得二十四條令門人錄而存之後之學者苟
由此而觸類旁通隨機應變不至如趙括之讀書
也斯可矣光緒己亥七月柳寶詒識

許選愛虛醫案

江陰柳氏醫
學叢書之人

胥江張大曦仲華著

江陰柳寶詒穀孫選評

及門諸子 參校

內傷雜病門案一條

○病經匝月。表熱解後。杳不思納。脈靜舌淨。神倦言懶。既無外感留戀。又非老景頹唐。睛光流動。面色開曠。問所服之藥。苦寒沈降者多矣。諒係胃氣為藥所困。非病也。亦非衰也。且進和中醒中。以悅脾胃。令其納穀。乃具

人參鬚五分炒麥冬一錢炒橘白五分北沙參三錢甘草三分

霍石斛

三錢

生穀芽

一兩煎湯代水

野薺薇露

一兩沖服

服藥後令煮糜粥以備半夜病人思納切囑不可多

與

詒按此方清潤有餘尚欠流動如胃氣呆鈍稍加

香砂胃有寒涎稍增薑夏欲專和胃加扁豆蓮子

欲兼和肝加木瓜烏梅均可於此方隨宜增入也

再診 胃氣乍醒脈形軟弱久飢之後藏府之氣尚微

納穀以勻為穩至於用藥尚利輕靈須俟胃氣日隆方

可峻補蓋凡投補劑必藉胃氣敷布故也經云百病以

胃氣為本又云安穀則昌其斯之謂歟

人參鬚

錢 益智仁 四分

炙甘草

三分 石斛

錢 茯神

錢

南棗

兩

北沙參

錢

炒麥冬

五分

橘白

七分

香穀芽

兩

論按名言至理。凡進補劑者。須識此意。

○竟日悲思。半載納減。詢非驚怒感觸所致。在病人亦不知悲從何來。一若放聲號泣。乃能爽快。睡醒之際。特甚。餘如默坐亦然。韓昌黎云。凡人之歌也。有思哭。也有懷出於口。而為聲者。其皆有不平者乎。夫悲哀屬肺。寢則氣窒。醒則流通。想其乍醒之際。應通而猶窒焉。是以特甚。揆之脈象。右寸細數而小滑。伏火挾痰有諸。或更有所驚恐。驚則氣結。結則成痺。痺則升降失常。出納呆

鍾胃氣所以日餒耳。擬以開結通痺為先。毋急急於補也。

旋覆花

一錢五分

元參

一錢五分

炒竹茹

一錢五分

瓜蒌皮

一錢五分

菴白頭

三錢

紫苑

七分

橘絡

一錢

安息香

三枝

生鐵落

兩許

錘於搗盆內和開水。研至數百轉。取汁沖入一小盃。

詒按：推想病情。思路曲折以達。

再診。兩進開結通痺之後。悲哀之態頓釋。咯痰黃厚。

胃納稍思。脈之滑數亦緩。其為痰火痺結也明矣。擬以

清泄通降。繼之。補不可投。豈妄談哉。

炙桑皮

一錢五分

炒竹茹

一錢五分

瓜蒌霜

一錢五分

杏仁

三錢

黑梔一錢五分 丹皮一錢五分 橘絡一錢 冬瓜子三錢 紫苑五分

絲瓜絡錢

內風門案一條

○眩暈多年。每發於溼蒸之令。今年初夏。潮溼過重。發亦頻頻。診脈濡細。舌苔膩白。考古法眩暈一證。概從內經諸風掉眩。皆屬於肝之論。大旨不外乎風陽上旋。更辨別挾火挾痰以治之。今按脈證。乃溼鬱上泛。挾濁痰膩膈所致。因前人未經論及。而臨證亦罕見也。擬辛香運中。以化溼化痰主之。

製厚朴一錢 煨草果四分 炒蘇子一錢五分 旋覆花一錢五分

惜餘小舍

茅朮錢一製半夏錢五分陳皮錢一白芥子七分椒目五分

赤苓錢三

論按所論病機極合。方中尙宜參入清泄肝陽之品。如白芍、蒺藜之類。方穩。蘇子似不必用。

又按黃坤載四聖心源中論此等證最詳。每以木燥土溼爲言。勿謂前人未及也。

再診 眩暈不復作。舌白依然。脈濡便澹。腕中較爽。信係體肥多溼。嗜酒多溼。臥於地坑之上亦感溼。好飲冷茶亦停溼。倘泥於古法而投滋降。不亦遠乎。再擬昨方加減。仍守太陰陽明主治。

茅朮一錢煨草果五分製半夏一錢五分土炒白朮一錢五分

佩蘭葉一錢五分製厚朴一錢鹿覆花一錢五分薑梗一錢五分

陳皮一錢通草一錢

詒按眩暈由於溼痰壅遏者亦所時有然其中必有木火內鬱為痰濁所蔽治當於疏化溼痰之中仍參清泄之品乃合

澤病開案一條

○形凜汗漬脈濡神糊舌如傅粉沈睡痰迷素係嗜酒之體溼痰瀰漫蒙遏清陽擾亂神明所致非陷也亦非閉也慎勿開泄擬達原飲意

製厚朴

一錢五分

煨草果

五分

枳實

四分

炒陳皮

一錢五分

茅朮

一錢五分

白芷

一錢

法半夏

一錢五分

山茨菇

五分

詒按論病確鑿方亦的當宜其效若桴鼓也

再診

汗漬已收神志轉清藥後嘔痰盈碗嘔出漸醒

脈猶濡細舌苔白膩瀰漫之勢雖除尙宜燥溼祛痰從

太陰陽明主治

茅朮

一錢

煨草果

三分

製半夏

一錢五分

椒目

五分

厚朴

一錢

炒青皮

一錢

白朮

一錢五分

陳皮

一錢

通草

一錢

白芥子

一錢

失血則察一條

○鼻衄盛發成流不止者已三月面赤足冷至膝脈數

寸關尤甚。血去過多。心蕩神馳。陰虧內熱之體。厥陽化
火上逆。擾動脈絡。血行清道。從高灌注而下。非若世紅
之易定。血有幾何。豈堪如此長流。擬仿志火升騰治例。
用涼血滋降法。

犀角

七分

炒女貞子

一分錢五分

黃連

五分

熟地

六錢

青鉛

一枚

炙龜板

兩一

旱蓮草

錢一

煨磁石

錢五

阿膠

蛤粉

拌炒

錢五分

馱水炒牛膝

錢一分五分

詒按此證甚險。用藥尙稱得力。○方中當加童便
冲入。

再診 鼻衄雖止。而面色唇口皓白。虛陽雖降。而額汗

心悸畏明。脈虛而數。舌光而顛。氣乏血涵。血無氣護。陰陽有離脫之象。氣血有渙散之險。急進雙補法。庶幾有所依附。再佐鹹降酸收以攝之。

人參錢一 天冬錢五 炒棗仁錢三 秋石二分 熟地兩一

枸杞炭錢三 白芍錢五 阿膠錢五 茯神錢三 大棗枚二

補腦門案一條

○乍納又飢。消燥迅速。如火之燎於原。遇物卽爲灰燼。病此半月。肌肉盡削。詢係失意事多。焦勞苦思。丙火日熾。胃液日乾。藏陰既損。而充斥之威。愈難撲滅耳。姑擬玉女煎加味。

大生地兩一錢 麥冬錢三 元參錢一 阿膠錢一 知母錢二

石膏兩一錢 炒白芍錢一 女貞子錢一 旱蓮草錢一

甘草錢一

再診 兩進甘涼救液。大勢僅減二三。渴飲反甚。溲渾

而濁。上中之消。又轉到腎消矣。三焦兼涉。津液必至告

竭。證情極險。再擬從治之法。宗河間甘露法。必得十減

七八乃幸。

熟地錢六 石膏錢七 肉桂分五 生地錢八 麥冬錢三 炙草分五

白芍錢一 人參錢一 鹹水炒黃蘗錢一

三診 從治之法。如也依然。藥三進而納日退矣。小水

渾濁轉清。舌苔光紅亦淡。擬宗前方。小其制。仍與上中

下三焦並治。

熟地

八錢

烏梅

三分

炙草

五分

川連

五分

川椒

廿粒

生地

四錢

肉桂

三分

人參

一錢

麥冬

二錢

四診 連進固本從治之法。並參苦辛酸安胃。允推應

手。今胃納安常。諸恙皆平。而津液受傷已極。善後之法。

自當立中育陰以冀其復。

人參

一錢

熟地

五錢

天冬

一錢

洋參

一錢

北沙參

三錢

知母

一錢

麥冬

一錢

石斛

四錢

炙草

三分

詒按第一方力量之大。二方立法之巧。三四方用

意之周匝。隨機而應。步伐井然。具此見解。庶可談
醫。然已難其人矣。

嘔逆門案百條

○惱怒傷肝。木火犯胃。入膈支撐。胸背嘔吐。血塊痰涎。
不納不便。舌白苔膩。胃爲水穀之海。多氣多血之府。性
喜通降。所畏倒逆。經此氣火衝激。溼濁乘機。錯亂倘肆。
其猖狂。厥勢立至。若再侮脾土。脹滿必增。左脈絃硬。右
脈細軟。穀不沾唇者。已五日。胃氣憊矣。而嘔尚甚。中無
砥柱。何恃而不恐。諸先生所進苦寒沈降。蓋欲止其嘔。
而順其氣。誠是理也。然內經云。百病皆以胃氣爲本。苦

寒性味。又屬伐胃，胃不能安，藥力何藉。拙擬苦寒以制
肝之逆，苦辛以通胃之陽，而必參以奠安中氣。庶幾倒
逆之勢得緩，幸勿拘於見血畏溫之議。

人參

錢一

吳萸

錢二

旋覆花

錢一

川棟子

錢七

川椒

錢二

法半夏

錢一

茯苓

錢二

川連

錢三

另肉桂四分，酒炒龍膽草三分，二味同研，飯丸煎藥

送下。

詒按論病頗有卓見，立方亦穩。惟丸方肉桂合龍
膽一寒一熱，似不如肉桂合川連取交濟之意更
佳。

再診 嘔逆已止。脹痛亦緩。左脈絃硬固平。右脈歇止。漸見土德大殘。中氣亦竭。急進補中。立中。仍參約脾制肝之法。惟望胃納能醒是幸。

人參 一錢五分 肉桂 三分 炙甘草 三分 白朮 一錢五分 茯苓 三錢

炒白芍 一錢五分

詒按此建中合四君法。

三診 脹痛大減。嘔逆未平。稍能納粥。脈俱濡細。胃氣漸有來復之機。經云納穀則昌。信不誣也。

人參 一錢 煨肉果 三分 白芍 一錢五分 橘白 七分 白朮 一錢五分

炙甘草 三分 煨木香 三分 茯苓 三錢 穀芽 一兩

詒按此養胃和中善後之方

外感門案

○得食則嘔已延月餘形神疲乏宛如膈證聽其言觀其人惟知明而動晦而休務農無怠者流診左關脈數右關細軟舌白口苦寒熱往來汗之有無病者不知蓋少陽見證原有嘔惡揆其病情是任其嘔逆以致反胃厥穀胃氣日逆似乎噎膈實由邪蘊於少陽一經胃被邪克氣不通達據是脈證宜先泄少陽之邪為要擬小柴胡法佐以辛通

柴胡七分製半夏一分製厚朴七分蘇葉七分蘇子一分

錢

炒川椒

二分橘皮

錢一青皮

錢一淡薑渣

五分後入

詒按治病不難難在採取病情能得真諦

再診

前方囑服兩劑據述服後壯熱大汗溼透衣被

卽思納粥因其效驗連服一劑今已喫飯惟力不充耳

診其脈左關已軟右脈尚細續與和也

黨參

錢三

歸身

錢一

續斷

錢一

白朮

錢一

茯苓

錢三

陳皮

錢一

炙甘草

分三

前胡

分三

煨木香

分三

詒按方中歸身續斷似非此證所宜

○發熱惡寒頭項強痛無汗胸痞脈浮緊細證屬正傷寒南方所罕見詢係連朝營墓辛勤屈在嚴寒又居曠

野。太陽表證悉具。宗仲聖不汗出而煩躁者。大青龍湯主之。

麻黃五分桂枝五分防風錢一杏仁錢三甘草四分羌活七分

生石膏錢三生薑五分大棗二枚

詒按證在初起似不必遽用石膏。就案中所述乃

麻黃湯的證。

再診。病甫兩日。太陽證未罷。而陽明少陽證已悉具。可知南人稟賦柔弱。其傳經之迅速。若此。汗既未暢。擬

三陽並泄。

麻黃四分柴胡四分白芷七分葛根七分羌活五分杏仁錢三

連翹一錢五分 黑山梔一錢五分 薑渣五分 大棗三枚

三診 汗暢熱解。煩躁已除。脈轉細小。形疲體瘦。嗜卧

而思納穀矣。其發也凶悍。其傳也迅速。其退也亦易易。

究屬質弱者。易感易遠。不若北方風氣剛勁。稟賦厚而

腠理實。必至傳徧六經乃已。是證若宗三時六氣治之。

勢必淹纏幾候耳。擬和營衛法。

桂枝四分 橘白一分 薑渣三分 防風七分 茯苓三錢 桑枝五錢

秦艽一錢五分 大棗二枚

詒按南方少正傷寒證。方案雖平淺。宜存之以擴

開見。

參胡白虎湯意參入景岳柴胡煎庶與脈證符
 合諸先生以為何如
 如何香開致使內傳欲其府滯能通必俟津回液復擬
 而與脈情不符細釋病情正虛津竭既非陷裏之神糊
 邪又傳少陽陽明府分之滯灼傷津液極似大柴胡證
 之象熱甚下午至夜神志時糊脈洪無力陽明經分之
 表熱九日有汗不解舌絳起刺煩渴引飲間作寒戰

參鬚	錢一	柴胡	分四	石膏	錢七	鮮石斛	錢七	元參	錢一	竹葉	錢三
麥冬	錢一	黑山梔	分五	知母	錢一						

詒按於虛實進退之間慘淡經營良工心苦

再診 汗熱煩渴已減。舌絳淡而尖刺已少。津液稍回。正氣較振。脈數未平。神志已爽。少陽陽明之表分。既清既泄。而府分之滯。尙待清潤育陰而下也。切勿因滯而遽投蕩滌。審證二字。其難其慎。臨時應變。平日之工夫也。

生地四錢 知母一錢五分 銀花一錢五分 赤芍一錢五分 麻仁三錢

瓜蒌仁三錢 花粉一錢五分 丹皮一錢五分 鮮石斛一兩

詒按此取增液以行宿滯之意

條

○表熱四候。額汗如淋。汗時膚冷。汗收熱灼。消滯泄邪。

清補諸法已遍管矣。診脈虛細，惟尺獨滑，舌苔已淨，胃納稍思，細繹脈證，病邪不在三陽而在三陰。考仲聖有反發熱一條，是寒邪深伏少陰之陽分，今乃溼溫餘邪流入少陰之陰分，良由少年腎氣不藏所致。治當宗其旨，變其法，擬補腎陰泄腎邪，一舉兩得，庶可許熱解汗收。

熟地

五錢

枸杞炭

一錢

獨活

一錢五分

茯苓

三錢

五味子

七粒

細辛

三分

牛膝

五分

丹皮

一錢

詒按：能從對面勘出，此為善讀書人。惟方中熟地似不如生地為得。

再診 熱解已淨。自汗亦收。脈滑已和。純乎軟弱。神情
向倦。而虛象旋著。擬轉用補養。

參鬚錢一 枸杞子錢一 山藥錢三 丹皮錢一 福澤瀉錢一

熟地錢五 杜仲錢三 茯苓錢三 牡蠣錢七 莢肉錢一 炙草錢三

瘦邪門案一條

○壯熱神糊。陡然而發。脈數大而混糊無序。舌垢膩而
層叠厚布。矢氣頻轉。小洩自遺。腕腹痞硬。氣粗痰鳴。既
非尋常六氣所感。亦非真中類中之證。觀其濺濺自汗。
汗熱而不黏。指轉側自如。四體無強直之態。舌能伸縮。
斷非中風。設使外感。何至一發便劇。而安能自汗。倘守

傷寒先表後裏下不嫌遲之例是坐待其斃矣亦曾讀
吳又可先裏後表急下存陰之論否蓋是證也一見藍
癍則胃已爛而包絡已陷迅速異常盍早議下尙可僥
倖諸同學以為然否

厚朴錢一大黃錢八黃芩錢一枳實錢一檳榔錢一草果錢四

知母錢一陳皮錢一

詒按論證明確方亦老當絕無幫貼膚湊之弊

再診 神志得清表熱自汗腹猶拒按矢氣尙頻便下
黏膩極穢者未暢小水點滴如油脈數畧有次序舌苔
層布垢濁胃中穢濁蒸蘊之勢尙形燔灼必須再下俟

裏滯漸楚。然後退就於表。吳又可治疫之論。闡發前人所未備。甚至有三四下而後退走表分者。若作尋常發熱論治。豈不謬乎。

大黃

五錢

枳實

五錢

銀花

二錢

知母

一錢

細川連

五分

丹皮

五分

滑石

三錢

元明粉

一錢

厚朴

五分

三診

大腑暢通

悉是如醬

如飴

極穢之物

腹已軟而

神已爽

有識方能奏功。○後二方亦層次井井的。是老手。○後三四次而後清者。必須有瞻

論按此等證。有下至三四次而後清者。必須有瞻

神已爽。表熱壯而汗反艱。舌苔半化。脈數較緩。渴喜熱

飲。小水稍多。此際腑中之蒸變乍平。病已退出表分。當

飲。小水稍多。此際腑中之蒸變乍平。病已退出表分。當

飲。小水稍多。此際腑中之蒸變乍平。病已退出表分。當

從表分疏通先裏後表之論信不誣也

柴胡五分枳實一錢通草一錢紫厚朴七分法半夏一錢五分

連翹一錢五分橘皮一錢赤苓三錢大腹皮一錢五分藿香一錢

四診 表熱隨汗就和舌苔又化一層脈轉細矣神亦倦矣病去正虛之際當主以和養中氣佐輕泄以滌餘熱守糜粥以俟胃醒慎勿以虛而早投補劑補之則反覆立至也

桑葉一錢五分石斛三錢扁豆三錢神麴一錢五分丹皮一錢五分

豆卷三錢甘草三分橘白一錢薏仁三錢半夏麴一錢五分

癘疾門案一條

○間瘧止後復發。發不歸期。或二三日。或七八日。發則
 寒戰熱甚。兩三月如此。從無汗泄。脈沈而細。形瘦骨立。
 胃納式微。證由久瘧傷陰。陰損不復。其為勞瘧顯然。現
 屆夏令。已得可汗之時。且服存陰泄邪。以冀汗泄於表。
 陰復於裏。轉準瘧期。庶有畔岸。可依擬少陽少陰並治。
 柴胡四分 大生地錢四 地骨皮錢三 黃芩錢一 鼈甲錢七
 青蒿錢一 歸鬚錢一 細辛三分 丹皮錢一 五分
 論按此病若認作虛證而投膩補則愈補愈熱不
 死不休矣。幸遇明眼人識破乃能得此生機。

再診 藥四服而值瘧來。寒戰依然。熱勢轉短。熱退時。

汗已暢達。脈沈轉出。神氣覺爽。而食物有味。察其轉輕之象。皆從汗後。究由外感乘虛蘊伏。愈伏愈深。延為怯象。茲有向外泄化之機。仍宗前議。加減必得。轉為間瘧。乃妥。

黃芩 一錢 五分 炒歸須 一錢 五分 炒知母 一錢 五分 青蒿 一錢 五分

髓血炒柴胡 五分 丹皮 一錢 五分 炒秦艽 一錢 五分 小生地 四錢

荆芥炭 一錢 豆卷 三錢

詒按得汗即是生機。仍可用大生地歸身。以助陰達邪。

三診 瘧準日作。解後有汗。寒熱之勢大減矣。脈形細。

小舌不生苔。久瘡陰傷。復其陰可耳。證屬轉機。已得坦途。凡腥膻鮮發。以及麥食等。均須慎禁。擬清養法。參以泄化。

洋參

一錢五分

桑葉

一錢五分

炙鼈甲

一兩

石斛

三錢

丹皮

一錢

青蒿

一錢五分

榴豆衣

二錢

穀芽

一兩

秦朮

一錢五分

治按此善後之法。凡歸地等養陰之品。似不可少。

黃癩門案一條

○癩證多種。黑者屬腎。腎氣過損者。曰女勞黑癩。今肌膚舌質盡黑。手指映日俱黯。強壯之年。腎陽早已不舉。體雖豐腴。腰軟不耐久坐。脈弱神疲。納減足冷。顯屬腎

臟傷殘太甚。尚謂北路風霜所致乎。昔有人患此。遍處醫治。皆曰風毒。後遇顧西疇。道破證名。宗溼熱流入腎經。主治。試以此證較之。證雖同而虛實又異矣。現屆深冬。姑先治本。需春暖陽和。再商他法。

血餘四兩猪油一觔熬至髮枯取油盛貯一切食物中

煎製附子七分炒枸杞一分炒黃蘗一分兔絲子一分

茯苓三錢牡蠣七錢茵陳一分杜仲三錢熟地六錢

再診 前方已服二十餘劑。肌膚之黑半化。其勢漸轉陰黃。形神大振。胃納加餐。且可耐勞理事矣。春令雖交。和煖未回。再擬補養脾腎。耐性攝養為屬。

人參

錢一

沙苑

錢三

山藥

錢三

杜仲

錢三

熟地

兩一

茯苓

錢三

白朮

錢一

茵陳

錢一

杞子

錢一

續斷

錢三

兔絲

錢二

澤瀉

錢一

五分

論按此方中亦當再添溫潤之藥

三診

膚色花斑證轉陰黃較之黑癩淺一層矣培植

脾胃之藥已進四十餘劑形神色脈俱屬平善節令將

交驚蟄春暖之氣已和治當開泄腠理以滌膚斑內經

云必先歲氣毋伐天和易曰待時而動何不利之有擬

宗仲聖茵陳四逆法加減三劑即停接服丸藥可耳黑

色退盡之時當在夏初

製附子五分白朮一分赤小豆三錢麻黃五分炒黃柏一錢

茵陳一錢連皮苓五分

詒按此證即非冬時亦當先以溫煦脾腎為主務使身中陽和之氣漸漸煦動然後投以此劑方能奏效○接服丸方未見擬入味丸去黃桂加朮藥此病證情頗與治法亦奇

腹痛關案一條

○脾胃之陽素虧醉飽之日偏多腹痛拒按自汗如雨大便三日未行舌垢膩脈沈實淫痰食滯團結於內非下不通而涉及陽虛之體又非溫不動許學士溫下之

法原從仲聖大實痛之例化出。今當宗之。

製附子五分 肉桂四分 乾薑五分 生大黃四分 枳實一分

厚朴一分

詒按論病立方。如良工制器。極樸屬微至之妙。

再診 大府暢行。痛止汗收。神思倦而脈轉虛細。擬養

胃和中。

北沙參三錢 甘草三分 橘白一錢 白扁豆三錢 丹皮一分

石斛三錢 白芍一錢

腫脹門

○旬日內。遍體俱腫。膚色鮮明。始也原有身熱。不慎風

而卽止亦無汗泄。診脈浮緊氣喘促小便閉舌白不思飲證係水溼之邪藉風氣而鼓行經隧是以最捷倘喘甚氣塞亦屬至危之道治當以開鬼門潔淨府爲要著

麻黃

五分

杏仁

三錢

赤苓

三錢

蘇子

二錢

桂木

五分

薏仁

三錢

紫苑

七分

椒目

五分

浮萍

一錢

大腹皮

五分

外用麻黃紫蘇羌活浮萍生薑防風各五錢閉戶煎

湯遍體揩熨不可冒風

旨。詒按病名風水立方清靈流動頗得輕可去實之

風水門第一條

○少腹塊磊上攻及腕其力猛而痛勢劇轉瞬之間腹中鳴響則塊磊一陣向下即平證名奔豚者因其性情踪跡行止類似江豚耳然考其證有三犯肺之賁豚屬心火犯心之賁豚屬腎寒臍下悸欲作賁豚者屬水邪今係腎水寒邪所發體屬陽虧所致擬以真武湯參賁豚湯意

茯苓五錢 川芎五分 小茴五分 歸尾一錢 附子五分 白芍一錢

半夏一錢五分 橘核三錢 李根皮兩

詒按案語明辨以哲立方精切不浮

國醫圖書

○腹痛下痢晝夜無度汗冷肢冷脈細舌白暑溼熱挾
 滯互結病經五日不減嗜酒中虛之體邪不能化熱外
 透而見多汗傷陽多痢傷陰之險凡裏急後重腹痛者
 治法宜通口燥煩躁便秘者又當清滲此證中陽先餒
 不能托化邪滯未動虛波已至誠屬棘手姑擬溫清並
 進宗瀉心湯意參以疏邪化滯若正氣保和之類何足
 特耶

製附子

五分

厚朴

七分

桂木

五分

薑梗

一分

建麴

一分

赤苓

三分

木香

三分

薑渣

三分

酒炒黃連

五分

論按此正虛不能托邪之證若僅與苦寒香燥痢

門之囊藥。烏能挽回。前後三方。扶陽托邪。選藥俱
絲絲入筴。所以奏效。

再診。下痢減半。赤白相雜。股冷較和。汗亦稀少。舌白
苔膩不化。裏急後重已緩。診脈沈細。腹中猶痛。究屬中
虛溼勝。暑積阻結。不能藉陽和運動。尙非坦途。再擬溫
中運邪一法。

製附子五分厚朴七分黃連三分白朮一分淡乾薑四分

防風錢一木香分三枳實分七丹皮錢一赤苓錢三

三診。痢下大減。舌苔漸化。腹痛除而宿垢亦通。小溲
赤而兩三度。脈象起矣。穀食思矣。中陽既得運動。無慮

邪滯不化也。尙當和中。

白朮

一錢五分

佩蘭

一錢

青皮

七分

蒼朮

一錢五分

建麴

一錢五分

厚朴

七分

扁豆

三錢

桔梗

五分

肉果

四分

滑石

三錢

○暑溼熱病下痢始係赤白垢膩晝夜數十餘次旬日

後痢雖減而純下血矣傷及肝腎病情最深非易治者

姑先清熱存陰宗厥陰下痢之條擬白頭翁湯合黃連

阿膠湯意。

白頭翁

三錢

秦皮

一錢五分

丹皮

一錢五分

黃連

一錢

地榆炭

二錢

白芍

一錢五分

荷蒂

三個

炒黃蘗

一錢

阿膠

蛤粉拌炒

一錢五分

論按方論俱明當。

再診 下血較昨減半。而其來必陣下。腸中滑泄已甚。關關盡撤。腎氣有下脫之慮。擬用昨方。參桃花湯意。

赤石脂

四錢

地榆

一錢

乾薑炭

五分

白芍

阿膠

蛤粉拌炒

炙草

三分

炒黃蘗

一錢

粳米

四錢

論按病雖稍減。尚係緊要關頭。不可鬆手。

三診 血下緩而大減。脈微神倦。氣陰並乏矣。堵塞存

陰之藥。尚不可撤。擬就昨方。加立中意。

原方加人參

一錢 另煎沖入

大便門案一條

○大小便易位而出。證名交腸。當得之大怒大飽之後。

氣火錯亂。升降失常。以致清濁混淆。水滓不按常道而行。久則難治。

明礬

七分。敲如菜豆大。用麩衣五層包紮。淡鹹湯送下。

日三服。三日九服可

愈。

詒按立方簡當。

外傷門藥一條

○惱怒悒鬱。內火自生。火能燥痰。則氣結痰凝。火性上炎。則痰隨之上竄。結核成串於左項。安保右項之不發。壯年樸實之體。而得斯疾。諒亦偏於性情之固執也。倘能暫拋誦讀。專以舒悶暢懷為事。則癥痰之消。猶可計。

日而待。蓋不若自戕本元者之水虧火旺而燥痰成串也。設聽其在絡內四竄久延必至於潰。則終身之累矣。後悔莫及。聊贈數言。然乎否乎。

旋覆花

一錢五分

橘絡

一錢五分

白芥子

七分

杏仁

三錢

海藻

一錢五分

昆布

一錢五分

丹皮

一錢五分

竹茹

一錢五分

香附

一錢五分

再診 通絡化痰。理氣開鬱之方。已投七服。左項痰核

軟而可推。餘絡未竄。脈仍絃數。大便五日不行。內火猶

熾。再議化痰通絡之法。

海藻

一錢五分

鼈甲

五錢

黑梔

二錢

昆布

一錢五分

丹皮

一錢五分

旋覆花

一錢五分

蠶皮

一錢五分

炙甲片

七分

白芥子

七分

竹瀝

一兩

三診

前方五服痰核已消三粒所剩四粒亦軟而小

其勢不至四竄矣脈弦小軟大便已暢再擬消痰以冀

速除然方藥雖效亦半藉怡養工夫耳

橘核

一錢

川棟子

一錢

炙山甲

七分

土貝母

三錢

昆布

一錢

丹皮

一錢五分

旋覆花

一錢

海浮石

三錢

黑梔

一錢五分

竹瀝

一兩

詒按此案三方藥力不甚結實而用意頗玲瓏在

應酬方中可云完善

婦人門案三條

○痛經數年不得孕育經水三日前必腹痛腹中有塊

凝滯狀似癥瘕伏梁之類。納減遲遲。形瘦神羸。調經諸法。醫者豈曰無之。數載之中。服藥無間。何以漠然不應。詢知閉閣之時。無是病。既嫁之後。有是疾。痛之來源。良有以也。是證考古。卻無曾見於濟陰綱目中。姑勿道其名目。宗其意而立方。不必於平時服。俟其痛而進之。經至即止。下期再服。

荆三稜

一錢

莪朮

一錢

延胡

一錢

香附

一錢

製軍

一錢

歸身

一錢

丹皮

一錢

川芎

四分

桃仁

二分

枳實

七分

再診 前方於第二期經前三劑。經來紫黑。下有似胎

非胎一塊。彌月不復痛。而經至矣。蓋是證亦係凝結於

胞中者今既下矣復何慮乎。

白芍一錢五分 石斛三錢 川芎五分 醋炒柴胡三分 橘白一錢

白朮一錢五分 歸身一錢五分 丹皮一錢五分 穀芽一兩

○經停三月驟然崩衝閱五月而又若漏卮詢係暴崩屬虛虛陽無附額汗頭震聞聲驚惕多語神煩脈微虛軟勢將二氣脫離其危至速擬回陽攝陰法急安其氣血

附子五分 鹿角霜一錢五分 杞子炭一錢 熟地七錢 五味七粒

白芍一錢五分 人參一錢 龜板一兩 天冬一錢五分 山藥三錢

詒按證情已急須得重劑方可挽回方中選藥切

合特嫌分量太輕耳

再診 脫象既除經漏較稀脈猶濡細神思尙怯氣血乍得依附再宗暴崩屬虛之例擬溫補法

人參

一錢 熟地

一兩 枸杞

一錢 鹿角膠

一錢 杜仲

三錢

巴戟

一錢

白芍

一錢

歸身

一錢

阿膠

一錢

天冬

一錢

○上臘嚴寒生產受寒必甚當時痰露未暢臍下陣痛

迄今五月未止閱所服藥皆宗產後宜溫之例固屬近是惜未考經穴經隧耳譬諸鎖則買矣何以不付以匙買者不知賣者當知病者不知醫者當知致使遠途跋涉幸遇善與人配匙者

肉桂

二錢

細辛

五分

同研末

飯丸

勻五服

每晨

一服

○

詒按方頗奇特

愛盧醫案終

門人趙樹誠
族弟寶慶同校